

Քույր Եկեղեցիներ



ԵԹՈՎՊԱԿԱՆ ՈՒՂՂԱՓԱՌ ԵԿԵՂԵՑՈՒ ՊԱՏՐԻԱՐԺ ՆՈՐԻՆ ՍՐԲՈՒԹՅՈՒՆ ԱԲԲԱ ԹԵՔԼԵ ՀԱՅՄԱՆՈԹԸ ՄԱՅՐ ԱԹՈՒՌՈՒՄ

1978 թվականի մայիսի 19—22-ը Ամենայն Հայոց կաթողիկոս, Նորին Արքեպիսկոպոս Ս. Տ. Վազգեն Առաջինի եղբայրական հրավերով Մայր Աթոռում էր գտնվում եթովպական ուղղափառ եկեղեցու Պատրիարք, Նորին Արքեպիսկոպոս Աբբա Թեքլե Հայմանոթը:

Եթովպական ուղղափառ եկեղեցու մի Պատրիարքի առաջին այցելությունն էր սա հայ եկեղեցու պատմական կենտրոն Մայր Աթոռ և, Էջմիածին:

Եթովպիայի Աբբազան Պատրիարքի շքախմբին մաս էին կազմում եթովպական եկեղեցու և Սինոդի քարտուղար և Գաֆայի տ. Բոսիֆ արքեպիսկոպոսը, եթովպական եկեղեցու արտաքին հարաբերությունների բաժնի նախագահ և Գոջամի առաջնորդ տ. Մակարիոս արքեպիսկոպոսը, նույն բաժնի կառավարիչ տ. Թաուպա վարդապետը, Խաղաղության պաշտպանության եկեղեցիների կոնֆերանսի անդամ և Շաուայի նախագի եկեղեցիների գլխավոր վարիչ տ. Սողոմոն ալիպ քահանան:

Մայր Աթոռի մեծարգո հյուրերին Մոսկվայից ուղեկցում էր, ուսաց եկեղեցու Նորին Արքեպիսկոպոս Ս. Պիմեն Պատրիարքի անունից, Ղրիմի և Սիմֆերոպոլի առաջնորդ տ. Աեոնտի արքեպիսկոպոսը:

ԺԱՄԱՆՈՒՄ

Մայիսի 19-ին, ուրբաթ օրը, ժամը 15-ին, եթովպական եկեղեցու պատվիրակությունը ժամանեց Երևանի օդանավակայան:



ՆՈՐԻՆ ՍՐԲՈՒԹՅՈՒՆ ԵԹՈՎՊԻԱՅԻ ԵԿԵՂԵՑՈՒ ՊԱՏՐԻԱՐԷ ԱԲԲԱ ԹԵՔԼԵ ՀԱՅՄԱՆՈՒ

Հայոց Հայրապետը, որին ընկերակցում էին ուխտավորաբար Մայր Աթոռում գտնվող տ. Պապ արքեպիսկոպոս Թումայանը (Լոնդոն), Ռուսիանիայի և Բուլղարիայի առաջնորդ տ. Տիրայր եպիսկոպոս Մարտիրոսյանը, տ. Նարեկ և տ. Գևորգ սրբազաններն ու Մայր Աթոռի միաբանները, ողջունեց և բարի գալուստ մաղթեց Նորին Սրբություն Արքա Թեքլե Հայմանոթին և նրա շքախմբի անդամներին:

Պատմական և հուզիչ էր երկու քույր եկեղեցիների Հովվապետների հանդիպումը և ի Բրիստոն սիրո նրանց առաջին ողջույնը:

Հանուն Հայաստանի կառավարության հարգելի հյուրին և նրա շքախմբի պատվարժան անդամներին օղանավակայանում ողջունեց և բարի գալուստ մաղթեց նաև Հայկ. ՍՍՀ Միմիստրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասարայանը:

Այնուհետև երկու Հայրապետները հանդիսավոր շքերթով մեկնեցին Մայր Աթոռ և եկեղեցական թափորով ու «Հրաշափառ»-ով մուտք գործեցին Մայր տաճար:

Իջման ա. սեղանի առաջ կատարված եկեղեցական կարճ արարողությունից հետո Հայոց Հայրապետը եղբայրական ջերմ սիրով և անկեղծ ուրախությամբ ողջունեց եթովպական ուղղափառ եկեղեցու Գահակալի ժամանումը Մայր Աթոռ:

Հայոց Հայրապետի ողջույնի խուփից հետո պատասխան ողջույնի ջերմ խոսքով հանդես եկավ Արքա Թեքլե Հայմանոթը:

Ապա երկու Հայրապետները առաջնորդվեցին Վեհարանի հանդիսությանց փոքր դահլիճ, որտեղ տեղի ունեցավ եղբայրական ջերմ գրույց երկու Հովվապետների և նրանց շքախմբի անդամների միջև:

Ժամը 22-ին, Վեհարանում պաշտոնական ընթրիքից հետո, հյուրերը մեկնեցին Երևան և իրենց կեցության օրերին մնացին «Արմենիա» հյուրանոցում:

ԱՅՑԵԼՈՒԹՅՈՒՆՆԵՐ

Մայիսի 20-ին, շաբաթ օրը, առավոտյան ժամը 10-ին, երկու Հայրապետները իրենց շքախմբի անդամներով այցելեցին Երևանի ա. Մեսրոպ Մաշտոցի անվան ձեռագրաց Մատենադարան:

Ժամը 11-ին Եթովպիայի ուղղափառ եկեղեցու Գահակալը իր շքախմբի անդամներով այցելեց Գառնիի վերջերս վերականգնված հեթանոսական տաճար և ապա ուխտի գնաց ա. Գեղարդ վանք: Մեծահարգ հյուրերին ընկերակցում էին տ. Նարեկ և տ. Գևորգ սրբազանները:

Ժամը 19-ին երկու Հայրապետները Մայր տաճարում ներկա եղան երեկոյան հանդիսավոր ժամերգությանը և միասին աղոթեցին: Այնուհետև վանական սեղանատանը երեկոյան ընթրիքից հետո, հարգելի հյուրերը Նոր Վեհարանի հանդիսությանց մեծ դահլիճում դիտեցին 1976 թվականի աշնանը սրբալույս մեռուի օրհնության, Հայոց Հայրապետի գահակալության 20-րդ տարեդարձի և Երևանի վերակառուցված առաջնորդանիստ ա. Սարգիս եկեղեցու օծման հանդիսություններին նվիրված գունավոր կինոժապավենը:



ՀԱՆԴԻՍԱՎՈՐ Ս. ՊԱՏԱՐԱԳ ՄԱՅՐ ՏԱՃԱՐՈՒՄ

Մայիսի 21-ին, կիրակի: Սկիզբն Հարության կյուրակնից:

Մայր տաճարում ս. պատարագ է մատուցում վրահայոց թեմի առաջնորդ տ. Գևորգ եպիսկոպոս Սերայդարյանը:

Ժամը 11-ին երկու Հայրապետները հանդիսավորությամբ առաջնորդվում են Մայր տաճար:

Զախակողմյան դասում իրեն համար պատրաստված մասնավոր Աթոռի վրա տեղ է գրավում Նորին Սրբություն Արքա Թեքլե Հայմանթը:

«Հայր մեր»-ի ժամանակ Վեհափառ Հայրապետը բարձրանում է ավագ խորան և, ողջունելով Մայր Աթոռի թանկագին հյուր Արքա Թեքլե Հայմանթի և նրա շքախմբի անդամների ներկայությունը, արտասանում է հետևյալ ողջույնի խոսքը:

ԱՄԵՆԱՅՆ ՀԱՅՈՑ ՀԱՅՐԱՊԵՏԻ ՈՂՋՈՒՅՆԻ ԽՈՍԱԶԸ ԽՈՐԱՆԻՑ

(Մայր տաճար, 21 մայիսի 1978 թ.)

«Յանուն Հօր և Որդւոյ և Հոգւոյն սրբոյ. ամէն»:

Ինչքա՛ն բարի է և ինչքա՛ն վայելուշ, որ եղբայրներ միշտ միասին և միատեղ լինեն:

Սիրելի հավատացյալներ, այս խոսքերը սուրբ Գրքից են, սաղմոսներից: Սաղմոսերգու հեղինակը գովերգում է եղբայրության գաղափարը և երանի է տալիս այն պահին, երբ եղբայրներ միասին են գտնվում, եղբայրական սիրո զգացմունքներով իրար հետ միացած: Ս. Ավետարանում և առաքելական թղթերում երկու մեծ գաղափարներ մասնավոր կարևորությամբ փառաբանվում են և դրանց անհրաժեշտությունը ընդգծվում մարդկային ընկերային կյանքի մեջ: Դրանք եղբայրական սիրո և խաղաղության գաղափարներն են: Միայն չի լինի ասել, որ Քրիստոսի Ավետարանը եղբայրական սիրո և խաղաղության մեծ Գիրքն է, որը այժմեական է միշտ: Ժամանակներ, դարեր, կյանքի տարբեր-տարբեր պայմաններ կուգան ու կանցնեն, կփոփոխվեն, կնեղաշրջվեն, բայց հավիտենապես կմնա ճշմարիտ՝ կենսական անհրաժեշտությունը, որ մարդկային կյանքում պահպանվի խաղաղությունը և եղբայրական սերը մարդկանց միջև: Քրիստոսի առաքյալները այնքան են բարձրացնում եղբայրսիրության գաղափարը, որ պատգամում են, թե մարդիկ իրենց սերը առ Աստված կարող են ապացուցել եղբայրական սիրով դեպի իրենց եղբայրները: Իսկ մեր մեծ բանաստեղծներից մեկը՝ Մկրտիչ Պեշկեթաշյան, գովերգելով եղբայրսիրությունը, ասում է, որ երկնքի աստղերի տակ ի՞նչ կա ավելի գեղեցիկ, քան եղբայր անունը:

Այսօր, սիրելի հավատացյալներ, մեզ հետ են նաև հեռավոր մի աշխարհից եկած քրիստոնյա եղբայրներ: Մեր հյուրերը մեր թանկագին եղբայրներն են, որոնք եկել են Եթովպիայից՝ իրենց գլուխը ունենալով Եթովպիոյ ս. եկեղեցու Հայրապետը, Պատրիարքը՝ Նորին Սրբություն Արքա Թեքլե Հայմանթը՝ շրջապատված արքեպիսկոպոսներով և բանաստեղծներով:

Մենք երջանիկ ենք այսօր, որ նրանց հետ միասին մեր մեջ է գտնվում նաև ներկայացուցիչը ուս արավոսլավ եկեղեցու՝ գերաշնորհ Լեոնտի արքեպիսկոպոսը, որ նրանց ողնկցեց Մոսկվայից:

Մենք երջանիկ ենք ողջունելու նաև նրա ներկայությունը մեր մեջ:



ԵՐԿՈՒ ՀԱՅՐԱՊԵՏՆԵՐԸ ԻՐԵՆՑ ԺԲԱՄԲԻ ԱՆԴԱՄՆԵՐՈՎ ՎԵՀԱՐԱՆԻ ԺԲԱՄՈՒՏԲԻ ԱՌԱՋ

Սիրելի ժողովուրդ, դուք անշուշտ լսած կլինեք և քարտեզի վրա էլ տեսած Եթովպիո երկիրը: Ափրիկեի արևելյան կողմը գտնվող շատ ընդարձակ մի երկիր է՝ շուրջ 30 միլիոն բնակչությամբ: Եթովպացիք քրիստոնյաներ են, հին քրիստոնյաներ, ինչպես մենք՝ հայերս: Համարյա նույն ժամանակ, Գ—Դ դարաշրջաններին, այնտեղ ևս տարածվեց քրիստոնեական հավատքը և կազմակերպվեց եթովպական սուրբ եկեղեցին, որ ահա մինչև այսօր հավատարիմ մնաց Քրիստոսի Ավետարանին, հակառակ երբեմն բազում դժվարությունների և հալածանքների այլ քարքարոս և ոչ քրիստոնյա արշավողների կողմից: Եթովպական եկեղեցին մեզ համար հարազատ քույր եկեղեցի է, որովհետև եթովպացիք նույն դավանանքը ունեն, ինչպես մեր եկեղեցին, և նույն քրիստոնեական ավանդությունները: Գիտեք երևի, որ քրիստոնեական եկեղեցիների մի ընտանիք կա, արևելյան ուղղափառ հին եկեղեցիների, որոնցից են մեր Հայաստանյայց եկեղեցին և Եթովպիո սուրբ եկեղեցին: Այս հանգամանքը առավել շեշտում է ու ընդգծում մեր եղբայրությունը և մեր գործակցությունը:

Այս պատմական այցելության առիթով մենք՝ երկու եկեղեցիներս, արտահայտում ենք մեր ցանկությունները հետզհետե ավելի զարգացնելու մեր եղբայրական կապերը և հետզհետե ավելի ընդարձակելու մեր գործակցությունը: Մեր օրերին, բացի կրոնական, հոգևոր հարցերից, կան նաև համայն մարդկությունը հուզող հարցեր, որոնք մեզ մղում են մեր խոսքը ասել Քրիստոսի Ավետարանի ճշմարտության լույսի տակ և նպաստել աշխարհի խաղաղության ամրապնդման, ժողովուրդների եղբայրության և համերաշխ գործակցության:

Մենք վստահ ենք, թե մեր եթովպացի եղբայրները մեզ հետ միասին պիտի աղոթեն և գործեն այդ ոգով և այդ սրբազան նպատակով: Մենք պիտի զարգացնենք նաև մեր գործակցությունը մեր մյուս քույր եկեղեցիների հետ, Էկումենիկ ոգով, այսինքն՝ համերաշխության, սիրո, միության ոգով:

Այսօր Եթովպիան մեր ոգեշնչումով զարգանում է իբրև պետություն և հասարակական կառուցվածք, իր ճակատագիրը դեպի ավելի պայծառ հորիզոններ առաջնորդելու համար: Մենք վստահ ենք, որ նաև եթովպական եկեղեցին, ոգեշնչված ս. Հոգով, պիտի զարգացնի ու ծավալի իր հոգևոր առաքելությունը առավել նպատակալացությամբ, որպեսզի սուրբ գրական Եթովպիո մեջ միշտ պայծառ մնա և ճառագայթի Քրիստոսի ս. Ավետարանի լույսը:

Սիրելի ժողովուրդ, սիրելի հավատացյալներ, այս մաղթանքներով և ցանկություններով թույլ տվեք ձեր բոլորի անունից մի անգամ ևս ողջունել ժամանումը Եթովպիո Սրբազան Պատրիարքի, մաղթել Նրան քաջառողջություն և երկար հովվապետություն, Աստուծո կամքը կատարելու համար երկրի վրա:

Ձերդ Սրբություն, սիրեցյալ Եղբայր Մեր ի Քրիստոս, թող Աստված օրհնի ձեր եկեղեցին, ձեր բարեպաշտ ժողովուրդը:

Թող Աստված օրհնի մեր երկու եկեղեցիների եղբայրությունը:

Այնուհետև ավագ խորան հրավիրվեց Աքբա Թեքլե Հայմանոթ Պատրիարքը, որը ողջունեց Հայոց Հայրապետին հետևյալ ճառով.

ԵԹՈՎՊԻԱՅԻ ՍՐԲԱԶԱՆ ՊԱՏՐԻԱՐԿԻ ՈՂԶՈՒՅՆԻ ԽՈՍՔԸ ՄԱՅՐ ՏԱԺԱՐՈՒՄ

(21 մայիսի 1978 թ.)

Ձերդ Սրբությունն Վազգեն Ա կաթողիկոս Ասենայն Հայոց,

Սիրելի հավատացյալ եղբայրներ և քույրեր,

Նախ և առաջ ձեզ եմ փոխանցում ողջույնները Եթովպիայի ժողովրդի և ամենամբ իմ կողմից, ձեզ, այսինքն այն ժողովրդին, որ ապրում է Հայաստանում:

Թեև Եթովպիան և Հայաստանը աշխարհագրականորեն իրարից շատ հեռու են գտնվում, սակայն բազում փորձառություններ և շատ այլ հարցեր նրանց միացնում են:

Երկու երկրներն էլ կարևոր տեղ են գրավում Հին Կտակարանում: Դեռ ավելին, այս երկու երկրները առաջիններից են այն երկրների թվում, որ քրիստոնեությունը ընդունել են առաջին դարերին: Երբ մենք կարդում ենք Աստվածաշունչը, մասնավորապես Ծննդոց գրքի Ը գլուխը, Արարատ լեռը մեզ հիշեցնում է ամբողջ Հայաստանը:

Ինչպես որ Հայաստանը շատ տառապանքներ է կրել թուրքերից, այնպես էլ Եթովպիան տառապել է այդ նույն ժողովրդից:

Եթովպացիները առիթը չեն ունեցել ապրելու Հայաստանում, սակայն Հայաստանի հայերից շատերը ապրել են Եթովպիայում երկար տարիներից ի վեր՝ եթովպացիներին համարելով իրենց եղբայրներն ու քույրերը, զգալով իրենց հարազատ՝ ինչպես իրենց տանը:

Ձերդ Սրբություն, ինձ համար մեծ հաճույք է այցելել ձեր երկիր, այսինքն այն կղզին, որ ջրհեղեղից հետո ազատեց մարդկային ցեղը բնաջրնջումից, և այն երկիրը, որը հանդիսացավ քրիստոնեության առաջին կղզին՝ Նոր Կտակարանում:

Արդարև, ես և իմ եղբայրները շատ երախտապարտ ենք այս հրավերի համար: Այս այցելությունը առավել ևս պիտի զորացնի հարաբերությունը մեր երկու երկրների և մասնավորապես երկու եկեղեցիների միջև: Այս այցելությունը պիտի օգնի մեզ՝ երկու եկեղեցիներին՝ գործակցելու ավելի սերտորեն:

Կեցցե Ձերդ Սրբությունը:

Կեցցե Հայաստանի հոգևորականությունը:

Կեցցե հայ ժողովուրդը:

Կեցցե մեր երկու եկեղեցիների համագործակցությունը:


ՊԱՇՏՈՆԱԿԱՆ ԸՆԴՈՒՆԵԼՈՒԹՅՈՒՆ

Նույն օրը, ժամը 15-ին, Վեհաբանի հայրապետական սեղանատանը, ի պատիվ Մայր Աթոռի հյուրերի, տրվեց պաշտոնական ճաշկերույթ:

Ընդունելությանը ներկա էին Մայր Աթոռի միաբանությունը, Գերագույն հոգևոր խորհրդի անդամները և մայրավանքի պատասխանատու աշխատողներ:

Հրավիրյալների թվում էր մասնավորապես ՍՍՀ Միներալների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասարայանը:

Ճաշկերույթի ընթացքում բաժակաճառեր փոխանակեցին երկու Հայ-



ԱՂԹՔԻ ՀԱՅ ՆԱՀԱՏԱԿԱՅ ՀՈՒՇԱՐՁԱՆԻ ԱՌԱՋ. ԾԻԾԵՌՆԱԿԱՐԵՐԻ

րապետները և եթովպական եկեղեցու ա. Միմոդի քարտուղար ու Գաֆայի տ. Իոսիֆ արքեպիսկոպոսը:

Հանուն Հայաստանի կառավարության, Հայկ. ՍՍՀ Միմիստրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը ընդունելության ժամանակ ջերմորեն ողջունեց ներկայությունը Մայր Աթոռի մեծարգո հյուրերի և շեշտեց հայ և եթովպական եկեղեցիների ու ժողովուրդների դարավոր բարեկամության կարևորությունը ի բարօրություն նրանց:

ԱՅՑԵԼՈՒԹՅՈՒՆՆԵՐ

Մայիսի 22-ին, երկուշաբթի օրը, ժամը 10-ին, երկու Հայրապետները իրենց շքախմբի անդամներով Ծիծեռնակաբերդում այցելեցին Հայ նահատակաց հուշարձան, ուր ծաղկեպսակներ զետեղեցին և Հոգվոց արտասանեցին հայ նահատակաց հոգիների խաղաղության համար:

Ժամը 11-ին երկու Հովվապետները այցելեցին Երևանի ա. Սարգիս առաջնորդանիստ եկեղեցի, որտեղ մուտք գործեցին «Հրաշափառ»-ով:

Հանուն Արարատյան հայրապետական թեմի թեմական-եկեղեցական իշխանությանց, հոգևորականության և հավատացյալների, երկու Հայրապետների ներկայությունը ողջունեց Արարատյան թեմի առաջնորդական փոխանորդ տ. Կոմիտաս արքեպիսկոպոս Տեր-Ստեփանյանը:

Ժամը 12-ին Հայոց Հայրապետին և եթովպական եկեղեցու Սրբազան Պատրիարքին ընդունեց Հայկ. ՍՍՀ Գերագույն սովետի նախագահության նախագահի տեղակալ Հովհաննես Բաղդասարյանը:

Երկու Հայրապետների և Հայաստանի կառավարության ներկայացուցչի միջև տեղի ունեցավ ջերմ և հետաքրքիր զրույց, որին ներկա էին նաև հայ եկեղեցու գործերի խորհրդի նախագահի տեղակալ Անդրանիկ Հասրաթյանը և Գերագույն սովետի նախագահության գործերի կառավարիչ Գ. Հ. Սահակյանը:

Մայր Աթոռում գտնվելու օրերին եթովպական եկեղեցու պատվիրակությունն այցելեց Մայր տաճարին առընթեր եկեղեցական արվեստի թանգարան, Հին և Նոր Վեհարանների թանգարաններ, ինչպես նաև Վաղարշապատի պատմական վանքեր:

ՀՐԱԺԵԾՑ ՀԱՅՈՑ ՀԱՅՐԱՊԵՏԻՆ ԵՒ ՄԱՅՐ ԱԹՈՒԻՆ

Մայիսի 22-ին, երկուշաբթի օրը, ժամը 13-ին, Վեհարանում հայ և եթովպական եկեղեցիների ներկայացուցիչների միջև տեղի ունեցավ էկոմենիկ ոգով մի խորհրդակցություն, որի ընթացքում գոհունակությամբ արձանագրվեց երկու քույր եկեղեցիների՝ նույն հավատքի, դավանանքի և ավանդությունների հիմքի վրա զարգացող սերտ կապերը, ինչպես նաև հայ և եթովպացի ժողովուրդների միջև եղբայրական դարավոր անկեղծ բարեկամությունը, որը շարունակվում է նաև մեր օրերում, բարեկամություն, որի զարգացման և ամրապնդման համար աղոթում և աշխատում են երկու եկեղեցիները:

Խորհրդակցության ընթացքում երկու կողմերը հաստատեցին, որ եկեղեցիների կոչումն է իրենց ակտիվ նպաստը բերել՝ հանգցնելու համար աշխարհում դեռևս գոյություն ունեցող պատերազմական օջախները, իրենց

ջանքերը միավորել՝ պահպանելու և ամրապնդելու կայուն խաղաղություն աշխարհում, նպաստել գաղութային ստրկության և ցեղային խտրականության վերացմանն ուղղված բոլոր միջոցառումներին՝ կենսագործելու մամար ազգային և սոցիալական արդարությունը երկրագնդի վրա, ինչպես նաև եղբայրությունն ու հավասարությունը բոլոր ազգերի և ժողովուրդների միջև:

Խորհրդակցության ժամանակ ցանկություն հայտնվեց, որ երկու եկեղեցիների միջև է՛լ ավելի զարգանան գործակցության կապերը՝ եկեղեցական փոխայցելություններով, դասախոսների, ուսանողների և ինֆորմացիայի փոխանակումներով:

Երկու Հայրապետները իրենց իղձը հայտնեցին նաև մոտ ապագայում հարաբերության մեջ մտնել արևելյան ուղղափառ դավանակից՝ դպրական, ստորական և մալաբար եկեղեցիների հոգևոր պետերի հետ՝ կազմակերպելու համար նոր հանդիպումներ վերոհիշյալ բույր եկեղեցիների և նրանց հոգևոր պետերի միջև:

Նորին Սրբություն Արքա Թեքլե Հայմանոթը պաշտոնապես հրավիրեց Ամենայն Հայոց Հայրապետի՝ մոտ ապագայում այցելելու Եթովպիա:

Հայոց Հայրապետը սիրով ընդունեց եթովպական եկեղեցու Գահակալի սույն եղբայրական հրավերը:

Այս առթիվ ս. Էջմիածնի Վեհարանում խմբագրվեց և ստորագրվեց երկու Հայրապետների կողմից մի հաղորդագրություն 1978 թվականի մայիսի 22-ին:

Ժամը 14-ին երկու Հովհապետները առաջնորդվեցին Մայր տաճար և միասին աղոթեցին բարեհաջող ուղևորության համար:

Այնուհետև Հայոց Հայրապետը և Եթովպիայի Արքայական Պատրիարքը ավտոմեքենաների շարասյունով մեկնեցին Երևանի օդանավակայան, որ Հայոց Հայրապետը անձամբ ճանապարհեց իր թանկագին հյուրերին:

Երևանի օդանավակայանում Նորին Սրբություն Արքա Թեքլե Հայմանոթին բարի ճանապարհ մաղթեց նաև Հայկ. ՍՍՀ Մինիստրների խորհրդին առընթեր հայ եկեղեցու գործերի խորհրդի նախագահի տեղակալ Անդրանիկ Հասրաթյանը:

Եղբայրական եթովպական ժողովույրի և բույր եկեղեցու հարգարժան պատվիրակությունը հրաժեշտ տվեց Հայոց Հայրապետին և Մայր Աթոռին ու մեկնեց անմոռաց տպավորություններով:

Ա. Հ.

Պ. Ը.

